

170
13 1

THEOLOGICA PANEGRIS

IN DOCTORATU

PERILLVSTRIS ATQ. ADM. REV. D.

ANTONII MICHAELIS

T A N F A N I

FLORENTINI SACERDOTIS

Apud Excellentiss. Universitatis Florentina

T H E O L O G O S

D I C T A

A MARCO DE RUBEIS

In Eadem Universitate Theologo.



FLORENTIÆ, MDCXCVII.

Apud Petrum Matini sub Signo Leonis Aurei.
SUPERIORUM PERMISSU.

BIBLIOTECA NAZ.
ROMA
VITTORIO EMANUELE

THEOLOGICA
PANEGYRIS

IN DOCTORATU
ANTONIO MICHAELIS
T. A. M. I.

FLORENTINI SACERDOTIS
Abbas Ecclesiarum in Civitate Florentina
THEOLOGOS

FLOR
AMARCO DE RUSSIS
A. M. D. C. C. C. C.



FLORENTINI, MDCXCIII
Abbas Ecclesiarum in Civitate Florentina
FLORENTINI, MDCXCIII



LAUREA



Oblivionis umbris æternis obrutus,
 Illustris: ac Reverendis. Præsul,
 Excellentiss. Patres, oblivionis,
 inquam, umbris æternis obrutus
 sanè jaceret inglorius Monstro-
 rum ille Terror, ac Domitor
 inclytus Alcides: decantati hujus Herois in-
 Laudibus; catenato jam tot seculorum fluxu
 non tantoperè defudarent adhuc ingenia,
 neque tot ac tantas res præclarè gestas, tot ac
 tantos labores feliciter exantlatos Terra litera-
 tis elogiis, Cælum astris immortalibus certatim,
 sic loquar, coronarent; si mollioris ætatis in-
 Bivio Veneri Amorum Dæe, ut puer incautus
 adhæsisset, non verò Armorum Sapientiæque
 Deam Palladem maturo consilio sapiens esset
 insequutus. Floribus Venus alliciebat Herculem
 ad perniciem ad ignominiam: Vepribus Pallas
 invitabat ad Palmas ad Gloriam. Viam igitur

tur a Pallade Vepribus undequaque stratam teneris adhuc pedibus institit Hercules : & hoc potissimum in causa fuit , ut post elisos in cunis angues , Clavà manum armaret in Leonis & Hydræ , in Draconis , & Cerberi , in Monstrorum omnium multiplicem fortunatamque Victoriàm & Triumphum.

Et quæ , Patres Excellentissimi , Calamo meo materies obtingere poterat opportunior , ut in Amplissima Florentinorum hæc Theologorum Celebritate , ac Frequentia Perillustri atque Admodum Rever. Antonio Michaeli Tanfani non communem quidem , sed maximè propriam Theologicam Laurum intexerem ; quàm Herculis hæc amœnitatis plena , mysteriorum dives Historia simul & Fabula :

Herculeis in manibus Clavam unicam Monstris omnibus edomandis parem nemo est , qui non attonito similis obstupefeat . Cum ego in Antonii Michaelis Tanfani Gentilitio Stemmate duplicem Clavam intuear , quis prohibet , quominus ex mihi sint amœnum , æquè ac proprium præsentis commendationis argumentum ? cur Antonium Michaelëm Tanfanium Alcide propiorem dicere non aulin ? is enim puerili florebat ætate seculi Prætextam exuens , ut sacram Togam indueret , juveniles exosus jocos , studiorum senticera premere non horruit ;

ruit; aded ut Herculi perantiquo possit aliqua ratione creare invidiam.

Vix è numero sacræ Pubis unus in Domini sortem ipsi Clericali Tonsura venire contigit; ut Hercule fortunatior non Palladem ementitam, sed Virginem eandemque Incarnatæ Sapientię Matrem Sapientissimam Literarum, & Morum suorum Auspicem sortitus fuerit. Sub claro Pietatis, & Doctrinæ Lumine Collegij nostri Excellentissimo Patre Dom. Laurentio Venzi Pervigili nunc S. Cecilie Plebano, & olim in celeberrimo S. MARIE NOVÆ NOSOCOMIO Literarum Humaniorum Professore cultissimo, eos in Literis & moribus habuit progressus; ut Vicarias Magistri Vices absente Magistro non rarò gesserit. Sub altero nostræ Universitatis Excellentiss. Patre æquè Docto ac Pio D. Andræa Barducci, qui Sanctæ MARIE A FLORE dicte Clericos in Metropolitano Seminario Philosophiæ præceptis imbuir; Philosophicæ Rei Tyrocinium posuit; & Theologicæ sub solertissimis Scholarum Piarum Moderatoribus: iis, inquam, Patribus, qui MATRIS DEI vocabulo gloriantur, & qui conatus suos omnes, curam omnem & industriad, omnia vitæ studia in hoc potissimum impendunt, ut Juventutem bonis Artibus erudiant, bonisque Moribus informant, & assiduis Con-

cioni-

cionibus, sacraque Doctrina Christum Fide-
 lium Animis inferant. Quod illis quanta cum
 laude contingat non dixerim, cum Supremi
 Numinis Gloriam non suam spectent; sed
 absque dubio non sine maximo commendabili-
 que Christianæ Reipublicæ emolumento. Ne-
 que studiis id genus, in quæ pronis animis An-
 tonius Michael incubuit, & quibus se ex professo
 devovit, ejus expletur aviditas. Nobilissimas
 hæc contemplatricis Animæ Facultates apud
 Excellentiss. D. Jacobum Dyonisium Rillium
 Præstantissimum Causarum Patronum, & in
 Florentino Athenæo publicum Juris Professore
 Juridica Facultate maritat.

Quis hic mihi canoro mendacio memoret
 Herculem in Hesperidum Hortos Clavæ bene-
 ficio, Dracone somnum æternum dormire
 jussu, irrupisse, ut inde Aurea Poma asporta-
 ret. Antonii Michaelis Tanfani manus ar-
 mata calamo perdidit inertiam, ut in li-
 teratos Musarum Amœniorum ac Severiorum
 Hortos mereretur ingressum, fieretque non
 per fabulosas Hesperidas, sed per Viros & à
 Vita & à Fama integerrimos aureis scientia-
 rum, morumque pomis abundè locuples.

Satis, opinor, superque Vobis liquet, Excel-
 lentissimi Patres, ad ingenuas Artes Antonii
 Michaelis Tanfani pronior Indoles: & est cur
 ad

173²
1

7


ad omnia laudis exempla genitum speret Senatus hic Theologicus ; cum rectam ejus mentem non detorserint aut inertiae blandientis illecebrae , aut prava sodalium consilia , aut aetas lubrica ab eruditis vigiliis umquam avocaverint . Mihi praefagit animus è re Theologicae Dignitatis fore , Vos non gravari hujusmodi Juvenem in vestrum adscribi numerum .

Hinc neque parvus attigero , neque nimius persequutus ero morum ejus , & studiorum decora . Non parvus ne liventi similis , non contra nimius , ne blandienti proximus cuipiam fortè fortuna videar . Geminam hanc turpemque notam ab Oratione mea prudens amoveam , & citrà veritatis injuriam integram ingenuamque Panegyrim in vestram suamque plenissimam Commendationem candida verborum parsimonia non mendacij reus intexam , si dixerò . Habetis Virum , Patres Excellentissimi , Vobis dignum , & quo vestra Dignitas non erubescat , ubi vestra suffragia dignum duxerint , qui nobilissimo Virtutis Praemio Theologica Lauru coronetur in praesens .

Suos igitur humeros Nemexi Leonis Pelle vestitos ostendet Hercules : Ostendet Populea Corona Frontem impeditam , munitas Clavà manus , & Astra , inter quæ ut Cœlestis Heros effulget , ostendet . Tu Antoni Michael Tanfani
Her-

Herculi non inideas, si tuos humeros, orniet
 hæc Pellita Chlamys, si tuæ Frontis Decus im-
 mortale sit hic Pileus, si manuum tuarum
 ornamenta conflet hic Annulus, conflet hic Li-
 ber. Et si Monstra vitiorum, & Hydras hære-
 sum integer vitæ scelerisque purus, & æquè
 sapiens profligaveris non inter astra post cine-
 res in Firmamento, ut Fabularum Hercules,
 sed citrà Fabulam super astra fulgebis in
 perpetuas æternitates in Empyreo.

DEO LAUS.



Hec-